



Broj: 04-1581-2/23

Datum: 01.09.2023

Na osnovu člana 17. tačka c) Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23 i 19/23), člana 27 tačka a) Statuta Zavoda za zapošljavanje Brčko distrikta BiH – prečišćeni tekst (br. 04-111/20, 04-1372/20) i člana 17. stav (2) Pravilnika o mjerama za podsticaj zapošljavanja-prečišćen tekst (br. 04-115/20 i 04-170/23), Upravni odbor Zavoda za zapošljavanje Brčko distrikta BiH, donio je Odluku broj: 04-1581/23, dana 01.09.2023.godine, da Zavod za zapošljavanje Brčko distrikta BiH, objavi

JAVNI POZIV

poslodavcima za zapošljavanje nezaposlenih lica iz kategorije teže zapošljivih sa evidencije lica Zavoda za zapošljavanje Brčko distrikta BiH, za 2023. godinu

Cilj ovog Javnog poziva je stvaranje uslova za odlazak u penziju lica starije životne dobi, stimulacija zapošljavanja dugoročno nezaposlenih lica i lica starije životne dobi, povećanje socijalne uključenosti i zapošljavanja osoba sa invaliditetom i civilnih žrtava rata, podrška zapošljavanju članova uže porodice poginulih boraca i RVI, omogućavanje sticanja prvog radnog iskustva, smanjenje odliva nezaposlenih mladih lica usljed odlaska u inostranstvo, podrškom zapošljavanja kroz sufinansiranje bruto plate/a.

I - Finansijska sredstva

Finansijska sredstva za realizaciju obezbjeđuje Zavod za zapošljavanje Brčko distrikta BiH (u daljem tekstu: Zavod), u iznosu od 1.200.000,00 KM za sufinansiranje, kako slijedi:

- NK-SSS – 7.200,00 KM / po zaposlenom licu
- VŠS-VSS – 9.600,00 KM / po zaposlenom licu

Sredstva za sufinansiranje zapošljavanja mogu biti plasirana za sljedeće ciljne grupe:

1. Dugoročno nezaposlena lica (više od 12 mjeseci),
2. Lica koja stižu prvo radno iskustvo,
3. Lica mlađe životne dobi (do 30 godina starosti),
4. Lica starije životne dobi (50 godina ili više),
5. Osobe sa invaliditetom (invaliditet 50% ili više),
6. Članovi uže porodice poginulih boraca i RVI (invaliditet RVI 50% ili više),
7. Civilne žrtve rata i djeca civilnih žrtava rata.

Sredstva su namijenjena poslodavcima čije se prijave odnose na zapošljavanje lica sa NK, KV, VKV ili SSS (24 mjeseca x 300,00 KM (učešće Zavoda)), kao i poslodavcima čije se prijave odnose na zapošljavanje lica sa VŠS ili VSS (24 mjeseca x 400,00 KM (učešće Zavoda)).



II – Korisnici Programa

Poslovni subjekti koji mogu biti korisnici po ovom Javnom pozivu moraju imati registrovanu poslovnu djelatnost na teritoriji Brčko distrikta Bosne i Hercegovine i redovno izmirivati obaveze po osnovu obaveznih poreza i doprinosa.

Za zapošljavanje lica od NK do SSS predviđena su sredstva Zavoda, kako slijedi:

- 7.200,00 KM po zaposlenom radniku, planirano je zapošljavanje oko 120 lica

Za zapošljavanje lica od VŠS do VSS predviđena su sredstva Zavoda, kako slijedi:

- 9.600,00 KM po zaposlenom radniku, planirano je zapošljavanje oko 35 lica

Sredstva za podsticaj zapošljavanja po ovom Programu mogu se odobriti poslodavcima za zapošljavanje najviše do 50% nezaposlenih lica sa evidencije Zavoda u odnosu na broj zaposlenih lica na neodređeno vrijeme tog poslovnog subjekta na dan 31.12.2022. godine, s tim što se poslodavcima, po ovom Javnom pozivu može odobriti sufinansiranje zapošljavanja, maksimalno, (ukupno) 3 lica sa evidencije Zavoda, dok poslovni subjekti registrovani u 2023. godini mogu koristiti podsticajna sredstva po ovom Programu za zapošljavanje, najviše, do 1 lica sa evidencije Zavoda.

Poslodavac je obavezan da lice čije se zapošljavanje sufinansira zadrži u radnom odnosu, minimalno, 24 mjeseca.

III - Lica koja mogu biti zaposlena po ovom Javnom pozivu

Opšti kriterijumi koje moraju da ispunjavaju lica čije se zapošljavanje sufinansira:

- Da se vodi na evidenciji Zavoda, te da ista imaju prijavljeno prebivalište u Brčko distriktu BiH ne kraće od tri mjeseca prije objavljivanja Javnog poziva;
- Za lica koja spadaju u ciljnu grupu „Dugoročno nezaposlena lica“, ista moraju da budu prijavljena na evidenciji Zavoda najmanje 12 mjeseci, računajući od datuma posljednje prijave na evidenciju do datuma zatvaranja Javnog poziva;
- Za lica koja spadaju u ciljnu grupu „Lica koja stiču prvo radno iskustvo“ da nemaju radni staž u stručnoj spremi u kojoj se vode na evidenciji Zavoda, u momentu objave Javnog poziva;
- Za lica koja spadaju u ciljnu grupu „Lica mlađe životne dobi“, da su mlađa od 30 godina starosti do datuma objave Javnog poziva;
- Za lica koja spadaju u ciljnu grupu „Lica starije životne dobi“, da imaju 50 godina starosti ili više, do datuma zatvaranja Javnog poziva;
- Za lica koja spadaju u ciljnu grupu „Osobe sa invaliditetom“, da posjeduju dokaz nadležne ustanove o invaliditetu, 50% ili više;
- Za lica koja spadaju u ciljnu grupu „Članovi uže porodice poginulih boraca i RVI“, da posjeduju dokaz nadležne ustanove o smrti poginulog borca ili uvjerenje o invaliditetu 50% ili više;
- Za lica koja spadaju u ciljnu grupu „Civilne žrtve rata i djeca civilnih žrtava rata“, da posjeduju dokaz nadležne ustanove o priznavanju navedenog statusa.

Nezaposlena lica sa evidencije Zavoda za koja poslodavci apliciraju po Programu zapošljavanja, a spadaju u ciljnu grupu „Lica koja stiču prvo radno iskustvo“, obavezna su priložiti uvjerenje/a nadležnog organa PIO/MIO ne starije od 30 dana, koje poslodavac dostavlja Zavodu, da u stručnoj spremi u kojoj se vodi/lo, nemaju radnog staža.

Nezaposlena lica sa evidencije Zavoda za koja poslodavci apliciraju po Programu zapošljavanja, a spadaju u kategoriju - članovi uže porodice poginulih boraca, obavezna su priložiti dokaz nadležne ustanove o navedenom statusu koji poslodavac dostavlja Zavodu.

Nezaposlena lica sa evidencije Zavoda za koja poslodavci apliciraju po Programu zapošljavanja, a spadaju u kategoriju osoba sa invaliditetom, članovi uže porodice RVI, obavezna su priložiti dokaz nadležne ustanove o navedenom statusu koji poslodavac dostavlja Zavodu.



U obzir će se uzimati, samo, aplikacije za zapošljavanje lica koja posjeduju dokaz iz kojeg je vidljivo da osoba ima 50 % invaliditeta ili više.

U slučaju da je invaliditet lica izražen u stepenu, a ne u procentu invaliditeta, lice je obavezno dostaviti uvjerenje koje je konvertovano od strane nadležne ustanove, iz stepena u procenat invaliditeta.

Ukoliko je stepen/procenat invaliditeta bio predmetom revizije, dostavlja se kopija posljednjeg važećeg dokaza o invaliditetu osobe.

Nezaposlena lica sa evidencije Zavoda, za koja poslodavci apliciraju po Programu zapošljavanja, a spadaju u kategoriju – civilne žrtve rata i djeca civilnih žrtava rata, obavezna su priložiti dokaz nadležne ustanove o navedenom statusu, koji poslodavac dostavlja Zavodu.

Finansirana će biti i lica koja su radni odnos zasnovala u tekućoj, 2023. godini, s tim da su prije zasnivanja radnog odnosa u 2023. godini bila prijavljena na evidenciji Zavoda, prije zapošljavanja, te da imaju prijavljeno prebivalište u Brčko distriktu BiH, ne kraće od tri mjeseca prije objavljivanja Javnog poziva.

Programom će se dati prioritet poslodavcima koji:

- su koristili sredstva za zapošljavanje pripravnika po prethodnim Javnim pozivima, a iste su zadržali u radnom odnosu (da su i dalje zaposleni u istoj firmi), što dokazuju validnom dokumentacijom;
- su koristili sredstva za zapošljavanje po prethodnim Programima aktivne politike zapošljavanja i po završetku obaveza iz Programa su lica zadržali u radnom odnosu (da su i dalje zaposlena u istoj firmi), što dokazuju validnom dokumentacijom;
- su aktivno učestvovali u prethodnom Programu usklađivanja tržišta rada i sistema obrazovanja – karijerno usmjeravanje i savjetovanje, odnosno, da su uzeli aktivno učešće u Sajmu i anketiranju kroz ovaj Program;
- imaju veći broj zaposlenih radnika u radnom odnosu na neodređeno vrijeme.

IV – Bodovanje i rangiranje

Bodovanje i rangiranje zahtjeva/prijave poslodavaca/aplikanata vršiće Komisija, u skladu sa objavljenim kriterijima, nakon provjere dostavljene dokumentacije.

Komisija, koju imenuje Direktor Zavoda, sastoji se od pet članova, od kojih su dva člana zaposlenici Zavoda, po jedan predstavnik Odjeljenja za privredni razvoj, sport i kulturu Vlade Brčko distrikta BiH, Sindikata Brčko distrikta BiH i jedan član Udruženja poslodavaca Brčko distrikta BiH.

Nepotpune i neblagovremene prijave neće biti uzete u obzir prilikom bodovanja i rangiranja.

Saglasno osnovnim kriterijima za vrednovanje prijava, vršiće se provjera podataka za lica - na osnovu službene evidencije Zavoda i službene evidencije Odjeljenja za Javni registar Brčko distrikta BiH, a za poslodavce - na osnovu podataka koje je Zavod dobio od Inspektorata Brčko distrikta BiH u 2023. godini, do momenta objave Javnog poziva, te se pristupa sačinjavanju preliminarne rang liste.

Ocjena Programa zapošljavanja vrši se dodjeljivanjem bodova na osnovu sljedećih kriterija:

- a) Pretežna djelatnost poslodavca:
 1. proizvodna djelatnost – 100 bodova (osnovni broj bodova),
 2. ostale djelatnosti – 80 bodova (osnovni broj bodova);
- b) Poslodavci koji su koristili sredstva za zapošljavanje po prethodnim Programima, aktivne politike zapošljavanja i zapošljavanja pripravnika koje je provodio Zavod, a po završetku obaveza iz Programa su lica zadržali u radnom odnosu (da su i dalje zaposleni u istoj firmi) vrednuju se sa po 5 bodova, za svako lice;
- c) Poslodavcima se dodjeljuje određen broj bodova zavisno od broja zaposlenih radnika na neodređeno vrijeme, po 1 bod za svako lice;



- d) Poslodavcima koji zapošljavaju ili su zaposlili lice/a iz ciljne grupe „Dugoročno nezaposlena lica“, ista će biti bodovana za period vođenja na evidenciji, i to od datuma posljednje prijave na evidenciju, do datuma objave Javnog poziva, ili dana zaposlenja u tekućoj godini, kako slijedi: od 1 do 2 godine - 1 bod; od 2 do 4 godine - 2 boda; od 4 do 7 godina - 3 boda; od 7 do 10 godina - 4 boda; od 10 - 13 godina - 5 bodova; od 13 - 15 godina - 6 bodova, od 15 - 17 godina - 7 bodova; od 17 - 20 godina - 8 bodova; od 20 - 25 godina - 9 bodova, i od 25 godina i više - 10 bodova (bodovanje se vrši isključivo za lica za koja poslodavac aplicira);
- e) Poslodavcima koji zapošljavaju ili su zaposlili u 2023. godini lice/a starije životne dobi, koje ima 10 ili više godina radnog staža priznatog od nadležnog/ih fonda/ova PIO/MIO, vrednovanje se vrši sa 10 bodova (bodovanje se vrši isključivo za lica za koja poslodavac aplicira);
- f) Poslodavcima koji zapošljavaju ili su zaposlili u 2023. godini lice iz navedenih ciljnih grupa, isto će biti vrednovano po stepenu stručne spreme u tom zanimanju i to: Doktorat - 10 bodova; Magisterij/Master - 9 bodova; VSS - 8 bodova; VŠS - 7 bodova; VKV - 6 bodova, SSS četvrti stepen - 6 bodova; SSS/KV treći stepen - 6 bodova, PK drugi stepen - 5 bodova, NK - 5 bodova (bodovanje se vrši isključivo za lica za koja poslodavac aplicira),
- g) Poslodavci koji zapošljavaju ili su zaposlili osobu sa invaliditetom, vrednuju se dodatnim bodovima i to po procentu invaliditeta: 50% - 5 bodova, 60% - 6 bodova, 70% - 7 bodova, 80% - 8 bodova, 90% - 9 bodova, 100% - 10 bodova, kao i za zapošljavanje djece RVI i to kako slijedi, po procentu invaliditeta: 50% - 5 bodova, 60% - 6 bodova, 70% - 7 bodova, 80% - 8 bodova, 90% - 9 bodova, 100% - 10 bodova, zatim članovi uže porodice poginulih boraca - 10 bodova (bodovanje se vrši isključivo za lica za koja poslodavac aplicira),
- h) Poslodavci koji zapošljavaju ili su zaposlili lice, koje ima status civilne žrtve rata ili dijete civilne žrtve rata, vrednuju se sa dodatnih 10 bodova (bodovanje se vrši isključivo za lica za koja poslodavac aplicira),
- i) Ukoliko je poslodavac tokom fiskalne 2023. godine otpustio radnika koji je ostvario pravo na novčanu naknadu za vrijeme nezaposlenosti u Zavodu, od ukupnog broja bodova odbija se, za svako lice koje je koristilo/ koristi novčanu naknadu, 10 bodova,
- j) Ukoliko je poslodavac uzeo aktivno učešće kroz Program karijernog usmjeravanja i savjetovanja tako što je učestvovao u anketiranju i uzeo aktivno učešće na Sajmu zapošljavanja i obrazovanja, vrednuje se sa 5 bodova,
- k) Ukoliko poslodavac zapošljava, ili je zaposlio u 2023. godini, nezaposleno lice koje je učestvovalo u radu Kluba za traženje posla ili u procesu individualnog savjetovanja, svako lice vrednuje se sa 5 bodova (bodovanje se vrši isključivo za lica za koja poslodavac aplicira).

V - Odbacivanje zahtjeva za korištenje sredstava

Komisija za obradu i ocjenu Programa zapošljavanja za 2023. godinu (u daljem tekstu: Komisija) neće vršiti obradu i ocjenu zahtjeva/prijave poslodavca za korištenje sredstava za podsticaj zapošljavanja po ovom Javnom pozivu i predložiće odbacivanje istog, u sljedećim slučajevima:

- a) ukoliko poslodavac ne ispunjava uslove iz Zakona o zapošljavanju i pravima za vrijeme nezaposlenosti, Pravilnika o mjerama za podsticaj zapošljavanja i ovog Javnog poziva;
- b) ukoliko je nadležni organ uprave u tekućoj godini utvrdio i Zavodu dostavio akt, da je kod poslodavca ustanovljen rad lica bez ugovora o radu ili poslodavac nije prijavio lice na PIO/MIO i zdravstveno osiguranje;
- c) ukoliko je nadležni organ uprave u tekućoj godini utvrdio da lice obavlja samostalnu djelatnost koja nije registrovana u skladu sa zakonom;
- d) ukoliko poslodavac nije dostavio potpun zahtjev/prijavu;
- e) ukoliko je kod poslodavca broj zaposlenih na neodređeno vrijeme, u mjesecu koji prethodi mjesecu objavljivanja Javnog poziva, manji od broja zaposlenih na neodređeno vrijeme na dan 31.12.2022. godine, izuzev u slučaju smrti i



penzionisanja radnika, kao i u slučaju svojevoljnog prestanka radnog odnosa, ali pod uslovom da umjesto tog radnika, do momenta zaključivanja Javnog poziva, primi drugog radnika u radni odnos na neodređeno vrijeme;

- f) ukoliko je poslodavac registrovan u skladu sa Zakonom o udruženjima građana i fondacijama Brčko distrikta BiH i Zakonom o mjesnim zajednicama u Brčko distriktu BiH. Izuzetno od ovog stava, sredstva namijenjena za zapošljavanje nezaposlenih lica iz kategorije teže zapošljivih ciljnih grupa, mogu se dodijeliti i udruženjima građana, pod uslovom da udruženje ima, najmanje, jedno lice zaposleno na neodređeno vrijeme;
- g) ukoliko je aplikant javna ustanova;
- h) ukoliko je aplikant javno preduzeće;
- i) ukoliko je aplikant organ uprave ili drugi budžetski korisnik;
- j) ukoliko je aplikant visokoškolska ustanova.

VI – Rang liste poslodavaca

Nakon ocjene zahtjeva/prijave poslodavaca/aplikanata koji je aplicirao po ovom Javnom pozivu, Komisija sačinjava preliminarnu rang listu poslodavaca sa utvrđenim brojem lica koja će biti zaposlena i iznosom sredstava koja će poslodavcima biti isplaćena prema broju ostvarenih bodova uz napomenu da, ukoliko više rangiranih lica ima isti broj bodova prioritet se daje proizvodnim firmama, odnosno nezaposlenim licima sa evidencije Zavoda saglasno dužini čekanja, uzimajući u obzir datum posljednje prijave u tom zanimanju.

Potrebnu dokumentaciju navedenu u prijavi i izjavi, poslodavci su dužni dostaviti Zavodu za zapošljavanje Brčko distrikta BiH, u roku od deset dana od dana objavljivanja konačne rang liste.

Ukoliko poslodavci sa rang liste ne dostave traženu dokumentaciju u ostavljenom roku, ukoliko dokumentacija ne odgovara datoj izjavi, ukoliko je dokumentacija nepotpuna, ukoliko poslodavci odustanu od podnesenog zahtjeva ili traženog lica i sl., a kojima se odobravaju sredstva podsticaja do iznosa utvrđenog Javnim pozivom i Odlukom direktora Zavoda za zapošljavanje Brčko distrikta BiH, sredstva će biti dodijeljena slijedeće rangiranim poslodavcima.

VII – Popis dokumentacije koju dostavljaju poslodavci koji budu podržani

Poslodavci čije aplikacije budu podržane, dužni su, u ostavljenom roku dostaviti sljedeću dokumentaciju:

1. kopiju rješenja o osnivanju pravnog lica ili preduzetnika;
2. kopiju rešenja o registraciji poreznog obveznika u Poreznoj upravi Brčko distrikta BiH (JIB);
3. kopiju obavještenja o razvrstavanju poslovnog i drugog subjekta prema djelatnosti izdatog od Agencije za statistiku, Ekspozitura Brčko, sa naznačenom pretežnom djelatnošću;
4. kopiju kartona deponovanog/ih potpis/a, osobe/a ovlaštene/ih za raspolaganje sredstvima na tekućem računu, one banke na čiji račun će biti uplaćivana sredstva;
5. uvjerenje o izmirenim obavezama sa stanjem u mjesecu (avgust 2023. godine), koji prethodi mjesecu objave Javnog poziva, po osnovu direktnih poreza i doprinosa za PIO/MIO, za slučaj nezaposlenosti i zdravstveno osiguranje, original ili ovjerenu kopiju;
6. potpisanu i ovjerenu izjavu, od strane poslodavca koji aplicira, o prijavi radnika na Fond za penzijsko i invalidsko osiguranja Republike Srpske – Fond PIO RS, Federalni Zavod za mirovinsko/penzijsko i invalidsko osiguranje – FZ MIO/PIO, ili su radnici prijavljeni na Fond PIO RS i MIO/PIO Federacije BiH;
7. obrazac MIP (mjesečni izvještaj o platama) za decembar 2022. godine i za mjesec koji prethodi mjesecu objave Javnog poziva (avgust 2023. godine) kojim se dokazuje da broj zaposlenih na neodređeno vrijeme, na dan objavljivanja Javnog poziva, nije manji od broja zaposlenih na neodređeno vrijeme na dan 31.12.2022. godine;
8. spisak lica koje poslodavac namjerava zaposliti, ili je zaposlio u tekućoj 2023. godini, sa evidencije Zavoda (unosi se u Prijavu za učešće na Javnom pozivu);



9. ovjerenu izjavu poslodavca da će lice, čije se zapošljavanje sufinansira, zadržati u radnom odnosu, minimalno, 24 mjeseca;
10. ovjerenu izjavu da, po ovom Programu, ne zapošljava nezaposleno lice kome je kod istog poslodavca-aplikanta prestao radni odnos u posljednja 24 mjeseca;
11. ovjerenu izjavu, da za lice koje želi zaposliti putem ovog Javnog poziva, nije ostvario sredstva podsticaja u Vladi BD BiH, ili putem drugih grant sredstava namijenjenih podršci zapošljavanju lica, za koje/a se aplicira;
12. ukoliko su koristili sredstva za zapošljavanje pripravnika po prethodnim Javnim pozivima, a iste su zadržali u radnom odnosu (da su i dalje zaposleni u istoj firmi), obavezni su dostaviti kopije MIP-a za mjesec, one godine u kojoj je zaposlen pripravnik, fotokopiju radne knjižice pripravnika koji je zadržan u radnom odnosu, ugovor o obavljanju pripravničkog staža;
13. ukoliko su koristili sredstva za zapošljavanje po prethodnim Programima, aktivne politike zapošljavanja i po završetku obaveza iz Programa su lica zadržali u radnom odnosu (da su i dalje zaposleni u istoj firmi), obavezni su dostaviti kopiju MIP-a za mjesec, one godine u kojoj je zaposleno lice po Programu, fotokopiju radne knjižice lica koje je zadržano u radnom odnosu, ugovor o radu lica koje je zadržano u radnom odnosu;
14. kopiju posljednjeg važećeg dokaza o invaliditetu osobe koju namjerava zaposliti ili je zaposlio;
15. uvjerenje/a nadležnog organa PIO/MIO za lice koje želi zaposliti ili je zaposlio, a koje stiče prvo radno iskustvo u stručnoj spremi u kojoj se vodi/lo na evidenciji Zavoda, da isto nema radnog staža u navedenoj stručnoj spremi, ne starije od 30 dana;
16. uvjerenje nadležnog organa o statusu stečenom po osnovu Zakona o dopunskim pravima porodica poginulih boraca i ratnih vojnih invalida, koje ne može biti starije od tri mjeseca;
17. uvjerenje nadležnog organa o statusu civilne žrtve rata (za djecu civilnih žrtava rata i dokaz o srodstvu sa civilnom žrtvom rata);
18. potvrdu ili listing o radnom stažu iz PIO/MIO lica koje poslodavac želi zaposliti ili je zaposlio, starije životne dobi, 50 ili više godina starosti, koja imaju 10 ili više godina radnog staža (bez ratnog staža);
19. drugu dokumentaciju za koju Komisija ocijeni da može biti od značaja prilikom rješavanja prijave/zahtjeva.

VIII – Ugovor i ugovorne obaveze poslodavaca

Nakon što direktor Zavoda potvrdi konačnu rang listu poslodavaca, predloženu od strane Komisije, poslodavci su u obavezi dostaviti traženu dokumentaciju, te se sa poslodavcima koji dokažu da ispunjavaju uslove iz Javnog poziva potpisuje ugovor o korištenju sredstava po Javnom pozivu poslodavcima za zapošljavanje nezaposlenih lica iz kategorije teže zapošljivih sa evidencije lica Zavoda za zapošljavanje Brčko distrikta BiH za 2023. godinu.

- (1) Nakon potpisivanja ugovora, Zavod isplaćuje ugovoreni iznos korisniku sredstava mjesečno, u 24 jednake rate, po dostavljanju dokumentacije, ili u jednokratnom iznosu pod uslovom da je korisnik sredstava dostavio bankarsku garanciju koja glasi na ukupan iznos sredstava podsticaja, na period od, minimalno, 24 mjeseca (ugovorom će biti preciziran rok na koji garancija treba biti izdata).
- (2) Dokumentacija koju je poslodavac dužan mjesečno dostavljati Zavodu radi sačinjavanja Izvještaja o ispunjavanju uslova za isplatu i Izvještaja o poštovanju ugovornih obaveza je:
 - a) potpisane i ovjerene platne liste za plate lica čije se zapošljavanje sufinansira,
 - b) kopije izvoda banke iz kojih je vidljiva isplata pojedinačnih neto plata, poreza i doprinosa za sva zaposlena lica,
 - c) mjesečni izvještaj o isplaćenim platama (obrazac MIP 1023 i obrazac 2002),
 - d) pregled prisustva/odsustva na/sa poslu/a.



Poslodavac, u periodu ugovornog odnosa, mora zadržati broj radnika na neodređeno vrijeme koje je imao u mjesecu koji prethodi mjesecu objave Javnog poziva, uvećan za broj lica čije se zapošljavanje sufinansira po ovom Javnom pozivu, izuzev u slučaju smanjenja ukupnog broja radnika po osnovu smrti ili penzionisanja radnika.

(1) Zavod kontinuirano prati realizaciju ugovornih obaveza poslodavca na slijedeći način:

- a) provjerom dokumentacije koju poslodavac mjesečno dostavlja radi pravdanja odobrenih sredstava,
- b) kontrolom provođenja ugovornih obaveza neposredno kod poslodavca, ukoliko se za to ukaže potreba.

(2) U slučaju raskida ugovora o radu sa sufinansiranim licem, poslodavac je dužan odmah o tome obavijestiti Zavod i u roku od 30 dana zaključiti ugovor o radu sa licem koje ispunjava uslove za zamjenu na preostali period ugovorne obaveze.

(3) Ukoliko se utvrdi da poslodavac ne ispunjava ugovorne obaveze, pokreće se postupak raskida ugovora u skladu sa Pravilnikom o mjerama za podsticaj zapošljavanja i Ugovorom zaključenim između Zavoda i Korisnika sredstava.

IX – Objava Javnog poziva - trajanje

Javni poziv će biti objavljen u sredstvima javnog informisanja, na oglasnoj tabli Zavoda i web stranici Zavoda www.zzzbrcko.org.

Sastavni dio Javnog poziva je Prijava za učešće na Javnom pozivu poslodavcima za zapošljavanje nezaposlenih lica iz kategorije teže zapošljivih sa evidencije lica Zavoda za 2023. godinu, i Izjave.

Obrazac Prijave za učešće na Javnom pozivu poslodavcima za zapošljavanje nezaposlenih lica iz kategorije teže zapošljivih sa evidencije lica Zavoda za zapošljavanje Brčko distrikta BiH za 2023. godinu, i Izjave, mogu se preuzeti u Zavodu za zapošljavanje Brčko distrikta BiH ili sa web stranice www.zzzbrcko.org.

Prijave na Javni poziv poslodavcima za zapošljavanje nezaposlenih lica iz kategorije teže zapošljivih sa evidencije lica Zavoda za 2023. godinu, dostaviti putem protokola Zavoda za zapošljavanje Brčko distrikta BiH, kancelarija broj 9.

Poziv ostaje otvoren od 04.09.2023. godine, do 19.09.2023. godine.

X – Potrebna dokumentacija uz Prijavu za učešće na Javnom pozivu

U gore navedenom terminu poslodavci su dužni dostaviti:

- Uredno popunjenu Prijavu sa Izjavama,
- Obavještenje o razvrstavanju poslovnog i drugog subjekta prema djelatnosti,
- Dokaz nadležne ustanove o invaliditetu lica,
- Dokaz nadležne ustanove o statusu člana uže porodice poginulog borca ili RVI, kao i invaliditeta lica,
- Dokaz nadležne ustanove o statusu civilne žrtve rata (srodnitva sa civilnom žrtvom rata),
- Za zapošljavanje nezaposlenog lica ili lica koje je poslodavac već zaposlio, a iz kategorije lica starije životne dobi, 50 ili više godina starosti, koja imaju 10 ili više godina radnog staža (bez ratnog staža), potrebno je dostaviti potvrdu ili listing o radnom stažu iz PIO/MIO i ugovor o radu, prijavu na PIO/MIO i zdravstveno osiguranje, ukoliko je lice već prijavljeno u



2023. godini.

- Za zapošljavanje nezaposlenog lica iz ciljne grupe „Lica koja stiču prvo radno iskustvo“, uvjerenje nadležnog organa PIO/MIO ne starije od 30 dana, da u stručnoj spremi u kome se vode u momentu objave Javnog poziva, nemaju radnog staža u navedenom stepenu stručne spreme.

- Poslodavci koji su koristili sredstva za zapošljavanje pripravnika po prethodnim Javnim pozivima, a iste su zadržali u radnom odnosu (da su i dalje zaposleni u istoj firmi), u obavezi su dostaviti kopiju MIP-a za mjesec one godine u kojoj je zaposlen pripravnik, fotokopiju radne knjižice pripravnika koji je zadržan u radnom odnosu, ugovor o obavljanju pripravničkog staža.

- Poslodavci koji su koristili sredstva za zapošljavanje po prethodnim Programima aktivne politike zapošljavanja i po završetku obaveza iz Programa su lica zadržali u radnom odnosu (da su i dalje zaposleni u istoj firmi), dostavljaju kopiju MIP-a za mjesec one godine u kojoj je zaposleno lice po Programu, fotokopiju radne knjižice lica koje je zadržano u radnom odnosu, ugovor o radu lica koje je zadržano u radnom odnosu, u svrhu bodovanja po navedenim uslovima iz Javnog poziva.

Na osnovu Prijave i Izjava, Komisija za obradu i ocjenu Programa zapošljavanja će sačiniti preliminarnu rang listu koju usvaja direktora Zavoda i kao takva će biti objavljena na web stranici www.zzzbrcko.org i oglasnoj tabli Zavoda.

XI – Rok žalbe

Žalbe na objavljenu preliminarnu rang listu se mogu uputiti Upravnom odboru Zavoda, u pisanoj formi u roku od osam dana od dana objavljivanja, sa naznakom „Žalba na Rang listu po Javnom pozivu poslodavcima za zapošljavanje nezaposlenih lica iz kategorije teže zapošljivih sa evidencije lica Zavoda za zapošljavanje Brčko distrikta BiH za 2023. godinu“, u Zavodu za zapošljavanje Brčko distrikta BiH, ulica Fra Šimuna Filipovića br. 2.



Predsjednik Upravnog odbora Zavoda

Žilja Genčić, dipl.oec. /